


起世因本經

第六

二百六  
映六

49559



起世因本經卷第六

隋三藏法師達摩笈多譯

映

阿脩羅品第六之餘

諸比丘彼阿修羅七頭會處有二歧道為通  
彼王往來遊戲故鞞摩質多羅阿修羅王宮  
殿之處有二歧道亦復如是諸小阿修羅王

宮殿之處亦二歧道諸小阿修羅住止之處

亦二歧道娑羅園林亦二歧道奢摩梨園林

亦二歧道俱毗陀羅園林亦二歧道難陀那

園林亦二歧道難陀池側亦二歧道蘇質怛

邏波吒羅大樹之下亦二歧道悉皆如前與

七頭會處相通來往

諸比丘若鞞摩質多羅阿修羅王意欲向彼  
娑羅園林奢摩黎俱毗陀羅難陀那等園林  
澡浴嬉戲遊行受樂者尔時彼王即便心念  
諸小阿修羅王及念諸小阿修羅衆是時諸  
小阿修羅王并及諸小阿修羅等亦生是念  
鞞摩質多羅阿修羅王心念我等如是知已  
即以種種衆寶瓔珞莊嚴其身各嚴飾已乘  
種種乘俱共來詣鞞摩質多羅阿修羅王宮  
門之外到已下乘至鞞摩質多羅阿修羅王  
殿前而住

尔時鞞摩質多羅阿修羅王見此諸小阿修  
羅王及諸小阿修羅衆來在殿前亦即自以

種種瓔珞莊嚴其身既莊嚴已便起就乘是  
時諸小阿修羅王及諸小阿修羅衆等左右  
侍衛周帀圍遶前後導從相將往詣娑羅園  
林及奢摩黎園林俱毗陀羅園林難陀那園  
林到其處已先在難陀園林前駐駕而息諸  
比丘難陀園內有三風輪自然吹動莊嚴彼  
園何名爲三謂開淨吹何者名開有風輪來  
開彼諸門名之爲開何者爲淨有風轉來掃  
彼園林令地清淨名之爲淨何者爲吹有風  
輪來吹動彼園林樹衆花飄零四散名之爲  
吹諸比丘難陀園中風散種種上妙衆花積  
至于膝有種種香其香氣馥徧滿園林當於

是時鞞摩質多羅阿修羅王即與諸小阿修羅王及小阿修羅衆圍遶共入難陀園林隨意洗浴觀看遊戲諸阿修羅等於此園林或經一月或二三月澡浴嬉戲各隨所欲住止遊行恣情受樂

諸比丘有五阿修羅恒常住在鞞摩質多羅阿修羅王側爲欲防遏諸惡事故何者爲五一名隨喜二名常有二名常醉四名牟真隣陀五名鞞呵多羅諸比丘鞞摩質多羅阿修羅王有如是等五阿修羅恒常在側守衛防護諸比丘彼鞞摩質多羅阿修羅王宮殿之上有大海水深万由旬住在其上然彼水聚有

四種風輪自然持之何等爲四一名爲住二名安住三名不墮四名牢固由此風持常住不動

諸比丘須彌山王南面過千由旬大海之下有踊躍阿修羅王宮殿住處其處縱廣八万由旬七重城壁略說猶如鞞摩質多羅阿修羅王住處一切所有此中一一亦如彼說汝應當知乃至此王宮殿之上有大水聚亦四風輪之所住持所謂住及安住不墮牢固等諸比丘須彌山王西面亦千由旬大海水下有奢婆羅阿修羅王宮殿住處其處縱廣八万由旬七重城壁略說亦如鞞摩質多羅阿

修羅王住處一切所有此中一一亦如彼說  
汝應當知乃至此王宮殿之上所有水聚亦  
爲四種風輪之所住持住及安住不墮牢固等  
諸比丘須彌山王北面過千由旬大海水下  
有羅睺羅阿修羅王宮殿住處其處縱廣八  
万由旬七重城壁諸門臺閣樓槽却敵園苑  
華池乃至種種樹種種葉種種華種種菓種  
種香熏有種種鳥各各和鳴皆如上說  
諸比丘於彼城內有羅睺羅阿修羅王所住  
之城其城名曰摩婆帝縱廣莊嚴亦如前說  
七重城壁七重欄楯外有七重多羅行樹七  
重鈴網周帀圍遶雜色可觀皆是車璫馬璫

等七寶所成此之城壁高下縱廣亦如前說  
城壁四面亦有諸門一一諸門高下縱廣並  
亦如前彼一一門皆有樓櫓却敵臺閣園苑  
諸池及華沼等亦有諸樹其樹各有種種葉  
種種華種種菓種種香熏亦有種種諸雜類  
鳥各各和鳴

諸比丘摩娑帝城王所住處有羅睺羅阿修  
羅王聚會之所亦名七頭其處縱廣如上所  
說欄楯七重及諸鈴網多羅行樹周而圍遶  
雜色可觀乃至亦是車璪馬瑙等七寶之所  
莊嚴於四方面各有諸門彼一一門亦有樓  
櫓雜色可觀乃至車璪馬瑙等七寶所成以

天車璪徧布其地柔熒細滑觸之猶如迦旃  
隣提衣當處中央有一寶柱高下縱廣如上  
所說於其柱下爲羅睺羅阿修羅王置一高  
座其座高下縱廣莊校一一如前雜色可觀  
七寶所成所謂車璪馬瑙等柔熒細滑觸之  
猶如迦旃隣提衣其座左邊爲十六小阿修  
羅王亦各別置諸妙高座七寶所成雜色可  
觀右邊亦爲十六小阿修羅王置諸高座如  
上所說柔熒細滑觸之如迦旃隣提衣  
諸比丘彼阿修羅王七頭會處東面爲羅睺  
羅阿修羅王別置宮殿其處縱廣一一如前  
七重垣墻七重欄楯七重鈴網乃至七重多

羅行樹周而圍遶雜色可觀乃至車璪馬瑙  
等七寶所成於四方面各有諸門彼一一門  
悉有樓櫓臺觀却敵重閣園苑諸池衆華泉  
沼有種種樹其樹各有種種葉種種華種種  
菓種種香熏復有種種異類衆鳥各各和鳴  
其音哀雅甚可愛樂

諸比丘阿修羅王七頭會處西南北面有諸  
小阿修羅王宮殿任處其諸宮殿或有縱廣  
九百由旬或有八百或有七百乃至六百五  
百四百三百二百由旬其最小者尚百由旬  
各各皆有七重垣墻七重欄楯略說乃至種  
種衆鳥各各和鳴

諸比丘彼阿修羅王七頭會處四面復有小  
阿修羅衆宮殿住處其處縱廣或九十由旬  
或八十七十六十五十四十三十二十由旬  
極最小者猶尚縱廣十二由旬七重垣墻略  
說乃至種種衆鳥各各和鳴

諸比丘彼阿修羅王七頭會處東面復有羅  
睺羅阿修羅王園苑名娑羅林其林縱廣一  
一如前七重垣牆七重欄楯乃至馬瑙等七  
寶所成於四方面各有諸門彼一一門皆有  
樓櫓雜色可觀乃至亦爲車璫馬瑙等七寶  
所成甚可愛樂

諸比丘彼阿修羅王七頭會處南面亦有羅

睽羅阿修羅王園苑名奢摩黎林縱廣莊嚴  
皆如上說七重垣牆乃至七重多羅行樹雜  
色可觀亦為七寶之所成就所謂車璫馬璫  
等於四方面各有諸門彼一一門皆有樓槽  
亦馬璫等七寶所成

諸比丘彼阿修羅王七頭會處西面亦有羅  
睽羅阿修羅王園苑名俱毗陀羅林縱廣一  
一皆如上說七重垣牆乃至馬璫等七寶所  
成於四方面各有諸門彼一一門皆有樓槽  
雜色可觀乃至亦是車璫馬璫等寶之所成  
就甚可愛樂

諸比丘彼阿修羅王七頭會處北面有羅睽

羅阿修羅王園苑名難陀那林其林縱廣如上所說七重垣牆乃至馬瑙等七寶所成於四方面各有諸門彼一一門亦有樓櫓種種校飾雜色可觀乃至車璫馬瑙等寶之所莊嚴甚可愛樂

諸比丘奢摩梨及娑羅林二苑之間為羅睺羅阿修羅王出一池水名曰難陀其池縱廣如上所說其水涼冷柔熨輕甘清淨不濁以七寶磚七重砌壘七重寶板間錯莊嚴七重欄楯七重鈴網亦有七重多羅行樹周而圍遶雜色可觀乃至馬瑙等七寶所成於池四方各有階道甚可愛樂亦為七寶之所莊嚴

池生諸華所謂優鉢羅華鉢頭摩華拘牟頭  
華奔荼利華其華火形火色火光略說如上  
乃至水形水色水光明照四方香氣氤氳普  
熏一切又有藕根汁白味甘食之香美猶如  
上蜜

諸比丘俱毗陀羅及難陀那二苑之間為羅

睺羅阿修羅王出一大樹其樹亦名蘇質怛  
邏波吒羅樹形縱廣種種莊嚴皆如上說乃  
至七重墻院七重欄楯皆是車璫馬瑙等七  
寶所成甚可愛樂略說乃至種種衆鳥各各  
和鳴其音哀雅聽者歡喜

諸比丘彼阿修羅王七頭會處一切莊嚴如

上所說亦有歧道去來徑路爲通羅睺羅阿  
修羅王遊宮殿故又爲諸小阿修羅王及諸  
小阿修羅衆亦有歧道通其往來向奢摩黎  
及俱毗陀羅亦有歧道向難陀那及難陀池  
蘇質怛邏波吒羅樹等皆有歧道通其往來  
遊戲受樂

諸比丘羅睺羅阿修羅王若欲往詣娑羅林  
苑及難陀那林等澡浴遊戲徧觀看時尔時  
即念鞞摩質多羅阿修羅王時鞞摩質多羅  
阿修羅王便作是念羅睺羅阿修羅王心念  
於我欲俱遊戲尔時鞞摩質多羅阿修羅王  
作是念已復自念其諸小阿修羅王及其諸

小阿修羅衆時彼諸小阿修羅王并其諸小  
阿修羅衆咸生是心鞞摩質多羅阿修羅王  
垂念我等我等當往便以種種衆寶瓔珞莊  
嚴其身旣莊嚴已各乘騎乘共詣鞞摩質多  
羅阿修羅王所到已在宮門外齊行而立介  
時鞞摩質多羅阿修羅王旣見諸小阿修羅  
王及小阿修羅衆皆已集會即自嚴身服諸  
瓔珞御種種乘與諸小王及阿修羅衆左右  
侍衛前後圍遶往詣羅睺阿修羅王所到  
已止住

介時羅睺阿修羅王復更起心念踊躍奢  
婆羅二阿修羅王時踊躍奢婆羅二阿修羅

王亦作是念羅睺羅阿修羅王今念我等如是知已即各念其諸小阿修羅王并其諸小阿修羅衆如是念時彼等各知咸亦嚴飾聚集來詣踊躍奢婆羅二大王所到已亦復嚴身瓔珞乘騎將從前後圍遶來向羅睺羅阿修羅王住處各隨所安任在一面尔時羅睺羅阿修羅王見鞞摩質多羅阿修羅王等並已雲集即自念其諸小阿修羅王及其諸小阿修羅衆其衆知已亦各嚴飾服乘而來至羅睺羅阿修羅王前儼然任立時羅睺羅阿修羅王見衆集已便著種種妙寶瓔珞莊嚴其身駕種種乘前後圍遶與鞞摩質多羅阿

修羅王踊躍阿修羅王奢婆羅阿修羅王并  
諸小王及阿修羅衆一切雲集前後導從往  
詣娑羅林奢摩梨林俱毗陀羅林難陀那林  
等到已少時逡巡而住諸比丘難陀苑中自  
然而有三種風輪何者爲三謂開淨吹是中  
開者有風輪來開苑諸門名之爲開淨者有  
風輪來掃除其地令皆清淨名之爲淨吹者  
有風輪來吹諸華樹令花布散名之爲吹  
諸比丘難陀苑中上妙好華徧散地上積至  
于膝其華香氣普熏園林莊嚴具足種種可樂  
尔時羅睺羅阿修羅王及鞞摩質多羅阿修  
羅王踊躍阿修羅王奢婆羅阿修羅王等并

諸小王群衆眷屬小修羅等圍遶共入難陀  
那園入已澡浴遊戲受樂種種觀看或行或  
住或卧或坐隨所欲樂恣意遊行諸比丘羅  
睺羅阿修羅王亦有五阿修羅常隨侍衛護  
諸惡事名字如前宮上海水縱廣厚薄四種  
風持令不墮墜並如上說

起世因本經四天王品第七

諸比丘須彌山王東面半腹有山名曰由軋  
陀山頂去地四万二千由旬其山頂上有提  
頭賴吒天王城郭住處城名賢上縱廣正等  
六百由旬七重垣牆七重欄楯七重鈴網復  
有七重多羅行樹周帀圍遶雜色可觀悉以

七寶而爲莊飾所謂金銀瑠璃頗黎赤珠車  
璪馬瑙等之所成就於四方面各有諸門一  
一諸門皆有樓櫓却敵臺觀園苑諸池有諸  
華林種種異樹其樹各有種種葉種種華種  
種菓種種香其香普熏有種種鳥各各和鳴  
其音哀雅甚可愛樂

諸比丘須彌山王南面半腹下去地際四万  
二千由旬於由軋陁山頂之上有毗婁勒迦  
天王城郭住處城名善現縱廣莊嚴皆如提  
頭賴吒天王住處所說乃至種種諸鳥各各  
和鳴其音哀雅甚可愛樂

諸比丘須彌山王西面半腹下去地際四万

二千由旬由軋陀山頂有毗婁博叉天王城  
郭住處城名善觀縱廣莊嚴一一皆如提頭  
賴吒天王住處所說乃至種種諸鳥各各和  
鳴其音哀雅甚可愛樂

諸比丘須彌山王北面半腹下去地際亦四  
万二千由旬由軋陀山頂有毗沙門天王住  
止之處三大城郭其三者何一名毗舍羅婆  
二名伽婆鉢帝三名阿荼槃多咸各縱廣六  
百由旬七重垣墻七重欄楯略說乃至種種  
衆鳥各各和鳴

諸比丘唯除月天子宮殿日天子七大宮殿  
已自餘官屬及四天王天中諸天子宮其間

或有縱廣正等四十由旬或有三十或有二十乃至十二由旬其最小者猶尚縱廣六由旬所居亦各七重垣墻七重欄楯略說如前乃至衆鳥各各和鳴

諸比丘毗舍羅婆伽婆鉢帝二宮之間爲毗沙門天王出生一池名那稚亘縱廣正等四十由旬其水調和清涼輕爽其味甘美香潔不濁其他四邊七重塼砌七重寶板間錯分明七重欄楯七重鈴網亦有七重多羅行樹周帀圍遶雜色可觀乃至車璫馬瑙等七寶所成於四方面各有階道亦以七寶之所莊飾池中多有優鉢羅華鉢頭摩花拘牟陀花

奔荼利華等自然出生其花火形火色火光  
乃至水形水色水光華量大小皆如車輪光  
明所照至半由旬香氣所熏滿一由旬有諸  
藕根大如車軸剖之汁出色白如乳食之甘  
美味如上蜜

諸比丘伽婆鉢帝阿荼槃多二宮之間爲毗  
沙門天王立一園苑其園名曰迦毗延多縱  
廣正等四十由旬七重垣墻七重欄楯乃至  
七重多羅行樹周匝圍遶雜色可觀略說如  
前乃至七寶之所成就

諸比丘提頭賴吒天王賢上任處城郭往來  
有二歧道毗婁勒迦天王善現任處城郭往

來亦二歧道毗婁博叉天王善觀住處城郭  
往來亦二歧道毗沙門天王阿荼槃多城郭  
住處亦二歧道毗舍羅婆及伽婆鉢帝城郭  
住處亦二歧道四天王天所有眷屬諸小天  
衆宮殿住處亦各往來有二歧道那稚尼池  
及迦毗延多苑等亦各往來有二歧道

諸比丘毗沙門天王若欲往至迦毗延多苑  
中遊戲澡浴者尔時即念提頭賴吒天王時  
提頭賴吒天王心亦生念毗沙門天王意念  
於我如是知已即復自念其界所屬諸小天  
王及小天衆是時東面眷屬諸王及其天衆  
咸作是念提頭賴吒天王心念我等如是知

已各各嚴身著諸瓔珞乘諸騎乘詣提頭賴  
吒大天王所到已在前一面而住尔時提頭  
賴吒天王亦自莊飾服諸瓔珞嚴駕騎乘與  
諸小王天衆眷屬前後圍遶相與俱詣毗沙  
門大天王所到已在前一面而住  
尔時毗沙門大王心復更念毗婁勒迦毗婁  
博义二大天王時彼二王亦作是念毗沙門  
王意念我等如是知已即各自念已所統領  
諸小天王并諸天衆時彼小王及諸天衆亦  
皆作念我大天王心念我等宜時速往如是  
知已各以瓔珞嚴飾其身俱共往詣毗婁勒  
迦毗婁博义二大王所時二大王知諸小王

及餘天衆皆集會已亦自嚴身服衆瓔珞前  
就騎乘與衆圍遶咸共往詣毗沙門大天王  
所到已在前隨便停住

尔時毗沙門大天王見二天王及其天衆皆  
已集會亦自念其所領小王及諸天衆尔時  
北方諸小天王及其天衆即作是念毗沙門  
大天王今念我等如是知已各著種種衆寶  
瓔珞莊嚴其身俱共往詣毗沙門大天王前  
默然而住

尔時毗沙門大天王即亦自著衆寶瓔珞莊  
嚴其身駕種種乘與提頭賴吒毗婁勒迦毗  
婁博叉等四大天王各將所屬諸天王衆前

後園遶皆共往詣迦毗延多園苑到已在苑  
門前暫時停住諸比丘其迦毗延多苑中自  
然而有三種風輪謂開淨吹開者開彼園門  
淨者淨其園地吹者吹其園樹令華飄颺諸  
比丘迦毗延多苑中所散衆花積至半膝種  
種香氣周徧普熏

尔時毗沙門大天王提頭賴吒天王毗婁勒  
迦天王毗婁博义天王等與諸小王及衆眷  
屬圍遶共入迦毗延多苑中澡浴遊戲種種  
受樂在彼園中澡浴訖已或復一月二月三  
月遊戲受樂隨心所欲恣意遊行諸比丘毗  
沙門王有五夜义恒常隨逐侍衛左右爲防

護故何者爲五一名五大二名曠野三名金山四名長身五名針毛諸比丘毗沙門天王遊戲去來常爲此等五夜叉神之所守護起世因本經三十三天品第八之一諸比丘須彌山王頂上有三十三天宮殿住處其處縱廣八万由旬七重城壁七重欄楯七重鈴網外有七重多羅行樹周而圍遶雜色可觀七寶所成所謂金銀瑠璃頗黎赤珠車璫馬瑙等其城舉高四百由旬厚五十由旬城壁四面相去各各五百由旬於其中間乃開一門一一城門悉皆舉高三十由旬閣十由旬其門兩邊並有樓櫓却敵臺閣軒檻

輦輿又有諸池華林菓樹其樹各各有種種  
葉種種華種種菓種種香其香普熏有種種  
鳥各各和鳴其音調雅甚可愛樂又彼諸門  
一一門處各有五百夜叉爲三十三天晝夜  
守護

諸比丘於彼城內爲三十三天王更立一城  
名曰善見其城縱廣六万由旬七重城壁七  
重欄楯七重鈴網外有七重多羅行樹周而  
圍遶雜色可觀亦以七寶之所成就所謂金  
銀乃至馬瑙其城亦高四百由旬厚五十由  
旬城之四面亦各相去五百由旬於其中間  
便開一門諸門亦高三十由旬闊十由旬一

一諸門亦有樓櫓却敵臺閣水池花林種種  
奇樹其樹各有種種葉種種花種種菓種種  
香其香普熏種種衆鳥各各和鳴如是諸門  
門門皆有五百夜叉爲三十三天晝夜守護  
諸比丘三十三天善見城側爲伊羅鉢那大  
龍爲王立一宮殿其宮縱廣六百由旬七重  
墻壁七重欄楯略說乃至種種衆鳥各各和鳴  
諸比丘善見城內有三十三天聚會之處名  
善法堂其處縱廣五百由旬七重欄楯七重  
鈴網外有七重多羅行樹周帀圍遶雜色可  
觀乃至馬瑙等七寶所成於四方面各有諸  
門一一諸門皆有樓櫓却敵臺觀種種雜色

七寶所成其地純是青瑠璃寶柔粟細滑觸  
之猶若迦旃隣提衣當其中央有一寶柱高  
二十由旬於寶柱下爲天帝釋別置一座高  
一由旬方半由旬雜色可觀乃至車璫等七  
寶成就柔粟細滑觸之如前其座兩邊各有  
十六小天王座夾侍左右七寶所成雜色可  
觀柔粟細滑觸之如前

諸比丘此善法堂諸天集處有帝釋宮其宮  
縱廣一千由旬七重垣牆乃至衆鳥各各和鳴  
諸比丘此善法堂諸天集處東西南北四面  
皆有諸小天王宮殿任處其宮或廣九百由  
旬或復縱廣八百由旬或復七百六百五百

四百三百二百由旬其最小者猶尚縱廣一  
百由旬七重垣牆乃至衆鳥各各和鳴又善  
法堂諸天會處東西南北各有三十三天諸  
小天衆宮殿住處其宮或廣九十由旬或復縱  
廣八十由旬或復七十六五十四十三十  
二十由旬其最小者猶尚縱廣十二由旬七  
重垣牆乃至衆鳥各各和鳴

諸比丘此善法堂諸天會處東面有三十三  
天王苑名波婁沙縱廣正等一千由旬略說  
乃至七重垣牆皆馬瑙等七寶所成於四方  
面各有諸門一一諸門各有樓櫓雜色可觀  
乃至馬瑙七寶所成諸比丘波婁沙苑中有

二大石一名賢二名善賢皆天馬瑙之所成就並各縱廣五十由旬柔栗細滑觸之猶如迦旃隣提衣

諸比丘此善法堂諸天集處南面亦有三十三天王苑名雜色車其苑縱廣亦千由旬七重垣牆乃至馬瑙之所成就於四方面各有諸門一一諸門皆有樓櫓雜色可觀乃至馬瑙等七寶所成於彼苑中亦有二石一名雜色二名善雜色天青瑠璃之所成就並各縱廣五十由旬柔栗細滑觸之猶如迦旃隣提衣諸比丘此善法堂諸天集處西面復有三十三天王苑名曰雜亂其苑縱廣亦千由旬七

重垣墻乃至七寶之所成就四方諸門皆有樓櫓却敵臺閣並七寶成此雜亂苑中亦有二石一名善現二名小善現皆天頗黎之所成就亦各縱廣五十由旬柔粟細滑觸之猶如迦旃隣提衣

諸比丘此善法堂諸天集處北面復有三十三天王苑名曰歡喜其苑縱廣亦千由旬七重垣墻乃至馬瑙等七寶所成四方諸門各有樓櫓却敵臺閣亦爲七寶之所莊嚴諸比丘歡喜園中亦有二石一名歡喜二名善歡喜天銀所成亦各縱廣五十由旬柔粟潤澤觸之如觸迦旃隣提衣

諸比丘於波婁沙及雜色車二園之間爲三  
十三天王故有一大池名曰歡喜縱廣正等  
五百由旬其水涼冷輕爽甘美清潔不濁以  
七寶塼四面砌壘七重寶板莊嚴間錯七重  
欄楯乃至七重多羅行樹周而圍遶雜色可  
觀於池四方各有階道並是七寶之所莊校  
中有諸華所謂優鉢羅華鉢頭摩華拘牟陀  
華奔荼利華其華火形火色火光乃至水形  
水色水光縱廣大小皆如車輪光明所照至  
一由旬風吹香氣熏一由旬有諸藕根大如  
車軸割之汁流色白如乳其味甘美如最上蜜  
諸比丘雜亂歡喜二園之間爲三十三天王

故有一大樹名波利夜怛邏俱毗陀羅其樹  
本下周七由旬略說乃至枝葉徧覆墻院縱  
廣五十由旬七重垣墻乃至衆鳥各各和鳴  
諸比丘此波利夜怛邏俱毗陀羅樹下有一  
石名般荼甘婆羅天金所成其石縱廣五十  
由旬柔栗潤澤觸之如觸迦旃隣提衣

諸比丘以何因緣此善法堂諸天會處名爲  
善法

諸比丘其善法堂諸天會處三十三天王集  
會坐時於中惟論微妙細密善語深義審諦  
思惟稱量觀察皆是世間諸勝要法真實正  
理是以諸天稱此會處爲善法堂又何因緣

名波婁沙迦苑

波婁沙迦  
隋言鹿澁

諸比丘鹿澁園中三十三天王入已坐於賢

及善賢二石之上惟論世間麤惡不善戲謔

之語是故稱為波婁沙迦又何因緣名雜色

車苑

諸比丘雜色車園三十三天王入已坐於雜

色善雜色二石之上惟論世間種種雜類色

相語言是故稱為雜色車苑又何因緣名雜

亂苑

諸比丘此雜亂園三十三天王常以月八日

十四日十五日放其宮內一切姝女於此園

中令與六十三天衆合雜嬉戲不生障隔恣

其歡娛受天五欲具足功德遊行受樂是故  
諸天共稱此園為雜亂苑

起世因本經卷第六

映

歧道

上渠 移反 下於 割反

嬉戲

上許 之反 下紆 云反

飄零

上疋 苗反 上古 定反

氛馥

上音芬 下音伏

乘騎

上音食 陵反

防遏

中奇 奇反 下時 證反

稚尼

上直 利反

飄颺

下音揚 又去聲

戲詭

下虛 約反

卷第六

